



明代傳記叢刊・綜錄類③⑥  
周駿富輯

# 明分省人物考(八)

(明)過庭訓纂集

明文書局印行

wt77/16

人物考卷之六十四目錄

江西吉安府二

陳廉

附陳昌

孫鼎

胡廣

楊士奇

陳雷

彭豫

彭琬

梁洞

陳循

錢習禮

余學夔

朱與言

羅汝敬

郭循

李禎

李時勉

三才圖會卷之四十五

周忱

羅通

劉髦

劉子輅

劉益

劉廣衡

劉球

鄒緝

羅肅

嚴樞

張洪

羅俊

張宗璉

本朝分省人物考卷之六十四

江西吉安府二

陳廉 陳昌

陳廉字孟潔泰和人幼時穎敏過人讀書日千餘言  
通其大義十二治詩經下筆爲文章桀然有聲譽於  
先生長者其事親能適其心未嘗得一錢以入私室  
父孔碩從子有怨家欲報孟省孟省已卒則構誣詞  
嫁禍孔碩廉憤曰無父焉用我爲伏訴闕下孔碩得  
白不陷於誣孔碩沒撫育弟妹甚厚宗戚故舊有急  
趨赴之恒恐不及平生爲人排難解紛不可數計而

不爲勞磊落豁達喜交際四方賢士大夫過泰和者  
必造其廬傾倒而後去永樂乙酉以國子生中應天  
府鄉試明年中會試禮部擢第二甲進士授翰林庶  
吉士與脩永樂大典爲校正官性嗜酒雖紛冗不廢  
嘗曰王猷愛竹豈比我哉竟坐是致疾革壺觴猶  
在牀榻間卒年四十五從弟陳昌字孟京登永樂四  
年進士第授翰林庶吉士時 朝廷廣召文學之士  
纂修永樂大典孟京與編校晨入晚出未嘗以私廢  
其博達明審老師宿儒多讓之性孝友家素貧幸仕  
得祿而薄甘旨未嘗充其母甚樂也愛其弟恒約已

裕之卒之時家徒四壁顧其妻曰死生常道勿戚  
戚身後事其在諸兄汝惟善視兩兒不可令斷絕讀  
書種子耳不一言及他事卒時年三十有六

孫鼎

孫鼎字公宜廬陵人永樂間以鄉舉歷江浦松江學  
博士甚得士心楊文定溥薦爲監察御史督南畿學  
政立教以德行爲本而文藝次之置本原錄錄諸生  
善行以身爲率不事譏防行部令勿先知單輿猝至  
諸生集輒閉門面試一文或破題數首隨聞隨定畢  
便開門呼名而出案牘隨之先後允愜私囑者無所

厝手時應天苦旱饑甚奏免其租什七賑濟萬三千  
餘石全活甚衆庚午秋 上北狩詣闕上疏請隨所  
用以效死不報乃自矢於文信公祠去蒞所部道遇  
金尚書濂慷慨對泣有萬里丹衷扶日月兩人清淚  
對山河之句其忠憤如此金陵王林朴以賢良徵興  
薦以自代不允而擢林朴僉事董廣學政會勅封興  
父母得告歸省父聞 恩命至騎以迎興塗行控御  
甚虔觀者榮之明年還朝念親老請致仕歸後祭酒  
司業缺當道屢欲論起之不果歸六載卒

胡 廣

胡廣廬陵人初名廣廷試傳臚更名靖永樂初復舊  
名字光大齋居名晃菴因以爲號十數歲喪父已有  
志問學內浸漬其母訓外則受從祖子貞之教故德  
器不凡旣冠薄遊閩中前輩率忘年與交歸而從黃  
伯器講論得所歸宿之地而日進焉以進士第一爲  
翰林修撰永樂入正大統陞侍讀二年陞右春坊四  
年進文淵閣大學士又三年卒贈資善大夫禮部尚  
書謚文穆國朝文臣有謚自姚廣孝與廣始 仁宗  
嗣位加贈榮祿大夫少師廣居官敬慎在 上前承  
顧問必據理對而以忠厚爲本未嘗及人過於奉

旨

有所見必具可否以聞多見采納事

太家十有七年周訥建請封禪上不聽獨廣言與

上意合既退作却封禪頌奏之丁母憂召還上問

百姓安否對曰安但郡縣窮治姦惡外親爲民厲遽

召罷之兩考京畿鄉試四爲廷試讀卷鑒別公明奉

勅修高皇帝實錄及五經四書性理大全皆爲總

裁志於扶植名教獎掖善類於利不苟取與於匪人

不苟比小人有不滿公者屢造言毀之上不聽遽

黜毀者而廣執之愈堅意度蕭散雖身處榮祿未嘗

一日忘山林幽澹閒遠之趣退惟閉戶讀書而已其

學博究經史百氏下逮醫卜老釋之談亦皆旁通爲  
文援筆立就頃刻千百言沛然行雲流水之勢賦詩  
取適其性情近體得盛唐之趣工書法行草之妙卒  
年四十九所著有晃菴扈從集

楊士奇

楊士奇名遇以字行泰和縣人幼孤力學越章貢浮  
琴江艤鄂渚登黃鶴樓與蔣隱溪子立遊慨然有幽  
人貞士之志已而赴試吏部將官之尚書張統讀其  
策喜曰明達時務有用之才不但文詞之工而已列  
名第一授工府審理副會 成祖卽位遂擢爲翰林

院編修與解縉黃淮胡廣胡儼楊榮金幼孜進內閣  
典機密尋陞侍讀 上嘗諭士奇曰朕知爾文學親  
擢置此爾但盡心勿自疑畏士奇感 上知遇忠勤  
不懈以修其職 仁宗爲皇太子又以本官兼左春  
坊左中允益見寵任侍講學士王達講乾九四舉儲  
貳爲說 皇太子疑其言問士奇對曰此宋儒胡瑗  
說也曰與常人言亦舉此說乎對曰程子常曰卦中  
六爻人人有用無所不通王昭素嘗爲宋太祖言之  
矣講臣非有據豈敢妄出意見哉饒州士人朱季友  
獻所著書斥濂洛關閩之說 上覽之怒曰此儒之

賦也時禮部尚書李志剛及士奇等侍側 上示以  
其書士奇曰當盡燬所著書庶幾不誤後人遣行人  
押季友還饒州悉索其所著書盡焚之五年廣東布  
政徐奇朝京師載嶺南土簞諸物將以饋廷臣或得  
其單目以進 上閱視無士奇名獨召士奇問故將  
以私交罪之士奇曰奇自都給事中受命赴廣時衆  
皆作詩文贈之故有此餽臣不與名者以當時病未  
有作不然亦不免今衆名雖具然受否未可知且物  
微甚當無他意 上意解命中官燬其目一無所問  
本年陞左春坊左諭德仍兼侍講禮部尚書鄭賜爲

侍郎趙昉所間憂鬱感疾勉強奉職如平時忽以卒告上疑其自盡召翰林諸臣問之士奇進曰臣觀賜病數日但未敢卽安昨晚同立右順門下賜忽仆地旁人怪賜無人氣臣遽命其屬官掖出午門外上聞士奇言曰微汝言幾誤賜賜本君子顧才不足耳命工部與棺禮部往祭七年車駕巡狩北京 皇太子監國 上命蹇義金忠黃淮與士奇職輔導義於事多疑少斷常持兩端曰事當熟慮不然必有後憂士奇曰事豈得不思但多思則惑惟據理而行皇太子聞而笑曰自今議事擇當理者從之不必多

愚致惑也春坊贊善王汝玉每以詩法進

皇太子

皇太子以問士奇對曰殿下明經講道之暇娛意文字兩漢詔令皆可觀非但文辭高古亦可裨益治道詩非所急也 皇太子曰儒者亦作詩否士奇曰儒者固皆作詩然儒之品有高下有德行之儒有經濟之儒專意詞章謂之俗儒已耳九年 上還南京一日退朝召士奇問曰爾輔東宮久果何如士奇以孝敬對 上使言其實對曰凡有事宗廟祭器皆親閱去年將時享頭風作醫言當汗殿下曰汗卽不敢瀟然左右請遣人代斥之曰 上以命我又可遣人代

乎遂親祭祭畢汗徧體無藥疾自愈每進御用物皆  
躬閱封識遣行不輕信下人車駕北征不敢寧居恒  
日中昃始食駕還而後能安 上曰此子道當然士  
奇曰古聖賢亦皆盡其當然者耳殿下天資高明有  
過未嘗不知知之未嘗不速改又且存心以愛人爲  
本將來必不負 陛下付託之重 上悅十二年正  
旦日食先數日 上問禮部及翰林諸臣正旦日食  
百官行賀禮乎尚書呂震曰日食與朝賀不同時當  
賀士奇對曰日食天變之大者也宋仁宗時元正日  
食富弼請罷宴撤樂宰相呂夷簡不從弼曰萬一拜